

RTR cun adina dapli acceptanza e bia prestaziun

Da la CRR sur SRG.R a SRG SSR Svizra Rumantscha

■ (anr/gc) En in fitg bel rapport a scrit – bainillustrà sco omagi a las dunnas – ha la la societad-purtadra SRG SSR Svizra Rumantscha (il nov num suenter CRR e SRG.R) preschentà tar la radunanza generala da venderdi a Domat sia vasta activitad, mess divers accents, mo era confrontà cun problems per la SRG SSS insumma. Sco nov president dal Cussegl dal public è *Michael Spescha* vegnì tschernì. – Il Premi da SRG.R, dotà cun 8000 francs, è ì al musicist, chantadur ed actur *Mario Pacchioli*. Il bainfrequentà inscunter annual da SRG.R è vegnì enramà e concludì cun ina sairada reussida «Da cumpagnia» a Domat.

SSR – confrontada cun nauscha critica

Il bainvegni ha il president da la SRG SSR Svizra Rumantscha, *Duri Bezzola*, purtà, schend ch'ins haja salvà per l'emprima giada quest onn la radunanza generala già il venderdi enstagl la sonda. Il parsura da la vischnanca burgaisa da Domat, *Theo Haas*, ha salidà tant en num da quella sco da la vischnanca politica e skizzà il svilup considerabel da Domat.

Tenor *Duri Bezzola* è la SRG SSR confrontada momentan cun fitg nauuscha critica, oravant tut pervi da las taxas da concessiun per radio e televisiun. Quella basegnia saunas finanzas per pudair realisar solidaritad tranter maioritad e minoritads en noss pajais quadriling. La SSR, sco organisaziun independenta, saja vegnida fundada 1931 e sias societads-purtadras, uschia era la CRR dapi 1946 – garanteschian legitimaziun democratica, il service public e promovian qua tras la coerenza.

Tenor ses directur *Mariano Tschuor*, sa dettia RTR (radiotevisiun Svizra Rumantscha) tutta fadia da far en buna lavur professiunalmain programs per in public crescent, oravant tut tar il radio,



Il president *Duri Bezzola*.



Michael Spescha, nov president dal Cussegl dal public.

FOTOS G. CAPAUL

Il Premi 2011 a Mario Pacchioli

Fin 2009 deva la CRR – ussa SRG.R – mintgamai ses premi a dus ad onn (in a singuls, l'auter ad uniuns). Dapi 2010 datti be pli ad in. Uonn è il musicist, chantadur ed actur *Mario Pacchioli*, da Rabiuis a Paris, vegnì distingui.

La surdada dal Premi è sa fatga a Domat en il rom d'ina saira cun musica, film e divertiment. La laudatio ha *Giusep G. Decurtins*, redactur da musica RTR, salvà. El lascha passar revista la carriera musicala da l'undrà – davent dal mattet- chantadur, a scolast da mu-

sica, dirigent, fundatur da la grupp Maconga e «Musikstar» alla televisiun. *Mario Pacchioli* haja chapì e pudì far a blers plaschair cun sia musica, adina stada caracterisada da qualitat, autenticitad e professiunalitad. Malgrad tuts success saja *Mario Pacchioli*, che ha dal reminent cumplenì quels dis ils 30, restà mudest e sia musica sincera e fatga cun carezia.

En pliras sequenzas da films ha RTR mussà ils puncts culminants en la carriera musicala da *Mario Pacchioli*. Lez ha interpretà bellezza chanzuns – en-

tginas ensemen cun *Astrid Alexandre* – stadas cumprovas persvadentas da ses dun, che han tschiffà e fatg grond plaschair

Tras la saira da divertiment en halla Tircal a Domat ha *Maria Victoria Haas* timunà stupent. *Mariano Tschuor*, directur da RTR, ha fatg in omagi als da Domat. La musica da giuvenils da Domat, il Chor dals Paslers Domat e la Chapella «100 onns Stefan Battaglia» han procurà per la bella rama musicala da la sairada che è ida a fin cun mussar plirs films da RTR davart Domat.

mo era via internet. Ins mettia gronda paisa sin buns contacts cun il public – era tras la gasetta-chasa Accents. En chausa rumantsch grischun hajan ins chattà in cumpromiss realistic cun applitgar tant ils idioms sco il la lingua unificgata tar emissiuns discurridas e legidas.

Eleczion, quint e midada da num

Sco nov president dal Cussegl dal public da SRG.R vegn eligì: *Michael Spescha*, oriund da Glion, che abitescha a Vignogn ed è contabilist en la chanzlia communal a Vella. Ella era fin ussa vicepresidente e daventa successur da *Corsin Farrér*, che ha presidià dus onns quai gremi ed è ussa sa domicilià en la Bassa (Basilea-Champagna).

Il quint da SRG.R serra – tar entradas da 42 000 francs ed expensas da 62 000 francs cun in deficit da 20 000 francs che reducescha la facultad che muntia anc adina a passa 200 000 francs.

La midada da statuts ha pertutgà sulet il num da la societad-purtadra. Ord SRG SSR idée Suisse Svizra Rumantscha è daventà nov SRG SSR Svizra Rumantscha. (En relativamain curt temp ha quella societad midà ses num da CRR (Cuminanza Rumantscha Radio e Televisiun) sin SRG SSR idée Suisse Svizra Rumantscha tar SRG SSR Svizra Rumantscha.)

La dretga schelta en il dretg mument

Tristan Brenn, creschì si a Domat, è schef da novitads tar SRF. El ha constatà che selezziunar las novitads per la televisiun saja savens ina gronda sfida. Mintgatant saja i schizunt meglia da purtar nagut. Il referent enumerescha ils criteris d'orientaziun che valian per la selezziun dals news, quai che succedia da princip segund ils fatgs da sa sez. Da sa drizzar saja i tenor quai che stettia damanavel e fetschia impressiun. La produziun saja savens dètg pretensiusa nà dal curt temp a disposiziun.